

Maman!




Projet promovût di 'Il Friuli' e 'ARLeF'

LIS AVENTURIS DI VIGJI E LUMI

TACADICIS
CUANT CHE AL TACHE,
AL È TACADIÇ! TANCJ
MANGJÂS DOLÇS
A LASSIN
LIS MANS
CUSSI.

CJÂR DIARI,



l'ûf di Pasche al è rivât te terace a fâmi compagnie.

Al è vistît di zâl, blu, viole, celest, ros e grîs arint. Al è ovâl e cuntune

creste

simpatiche.

Îr mi cjalave di un continui. "Ei, ûf! Mi sintistu?" i ai domandât.

Nuie, nissune rispueste.

"Ei, ûf! Vuelistu che ti

mostri l'apartment", i ai proponût. Nuie, dut un tasê.

"Ei, ûf! Zuistu cun m....", no ai fat adore a finî la frase che al è colât jù dal taulin e

al à tacât a rodolâ.

Rodole lui che o rodoli jo, la cjarte colorade che lu involuçave si à vierite. Ta chel moment, o ai viodude la robe plui bieie, plui profumade, plui dolce dal mont: la cjocolate!

Joi, ce bontât! Cumò o ai la panze taronde come... un ûf di Pasche!

Miôr che o lassedi un tocût di cerce ae mê paroncine.

Cumò ti saludi. O scuen lâ a nefâmi lis çatutis che a son **tacadicis**.

Une bussade, Lumi



Dissen di Serena Debegnach



IL CJANTON DE CJANÇON

FINIDE LA CUARESIME

(Peraulis di Daria Miani;
musiche di Flaviano Miani)

*Finide la Cuaresime pe glesie cristiane
a rivin lis zornadis de Sante Setemane*

*Passade joibe sante e je tradizion
che lis cjampanis no fasin plui glon*

*Il vinars sant si va in procession
e po inte sabide, meditazion*


*Cun bieie vòs ator par lis stradis
Tal aiar si spant il sun des cjampanis.*

*Cjampanis di Pasche, fasêt biel sunôr
in cheste di resurît al è il Signôr!*

Piçule cerce de cjançon "Finide la Cuaresime". O podês scoltâle dute te pontade di Maman! di cheste setemane su Telefriuli.




LU SAVEVISO CHE...?



■ Pal lunis di Pasche si use zuiâ a tirâ une monede cuintri di un ûf dâr poiât in bas suntun mûr. Cui che al rive a impirà il solt tal ûf, al vinç l'ûf e al à di mangjâlu.

> Tant par ridi



Cuale ise chê robe che plui e je frescje e plui e je cjalde?
L'ûf!

Maman! Une gnove aventure ogni setemane. Us din apontament su

telefriuli



vinars aes 5.45 sot sere

LAVORUT

ÛFS DÛRS COLORÂTS

Fasêtsi judâ di un grant.

CE CHE US COVENTE

- ùfs dûrs;
- colôrs che o cjatin in nature: zafaran, jerbe rave, scusse di cevole, cerniculis...
- asêt blanc;
- aghe;
- scudielis;
- pinzis di cusine.



Ve ca i vuestris bieî ùfs colorâts!

CEMÛT FÂ I ÛFS COLORÂTS

- meti tes scudielis 250 millilitris di aghe clipe;
- zontâ i ingredients naturâi e une sedon di asêt blanc;
- meti in muel l'ûf uns dîs minûts;
- gjavâ l'ûf cuntun pâr di pinzis;
- fâ suiâ i ùfs e po freâju cuntune cjarte bagnade e cuntune gote di vueli di ulive.

Pagjine curade di Daria Miani
e dal Sportel Regjonâl
pe Lenghe Furlane de ARLeF

ARLeF
AGJENZIE
REGJONÂL
PE LENGHE
FURLANE